



Claudii Fleurii Abbatis Historia Ecclesiastica

Ab anno Christi 1521. usque ad annum 1525

Fleury, Claude

August. Vind. [u.a.], 1769

VD18 90118472

§. 102. Gallorum Exercitus sexdecim Helvetiorum millibus auctus.

[urn:nbn:de:hbz:466:1-66495](https://nbn-resolving.de/urn:nbn:de:hbz:466:1-66495)

transitum denegaret, Bergomum ver-
fus iter suum direxit, ac sex millibus
Germanorum peditum conscriptis Sfor-
tiam præfecit, ipse vero cum his copiis
fene Cæsaris exercitui conjunxit, Lau-
treco transitum ejus nullatenus remo-
rante.

Sagell. XVI.

A. C. 1522.

§. CII.

*Gallorum exercitus sexdecim Helvetio-
rum millibus auctus.*

Equidem Cæsaræ nullum non move-
bant lapidem, ut Helvetios a Gal-
lorum stipendiis averterent, nihilomi-
nus iidem sexdecim millium suppetias
Lautreco submiserunt, quorum numero
auctus foederatis superior evasit. Duce-
bant hasce Helvetiorum copias Sabau-
diæ Nothus, magnus Franciæ Magister,
Cabannius Marescallus, & Galeatius
Sanseverinas; Interea Foederati tam
valido hostium subsidio turbati, cunctas,
quæ eis adhærebant urbes, deferere con-
stuebant, ac earum duntaxat quatuor
defendere parabant. Has inter erat No-
varra, quam Philippus Tornellius cum
duobus præfidiariorum millibus tueri
promiserat, secunda fuit Alexandria,
cui Hector Vicecomes cum mille quin-
gentis peditibus præerat, reliquæ duæ
erant Papia, ac civitas Mediolanensis,
quarum primam Antonius de Leva cum

M 2 duobus

Sæcul. XVI. duobus Italorum millibus totidemque
A.C. 1522. Germanis propugnabat, in alteram ve-
 ro sese incluserat Columna cum septin-
 gentis Cataphractis, totidemque levis
 armaturæ equitibus, ac duodecim pe-
 ditum millibus.

§. CIH.

*Lautrecus Mediolanum movens, mox
 vero reversus.*

Eodem tempore Gallis adhucdum Me-
 diolanensis arx parebat, quo circa
 Columna, ne illius præsidium subsidiis
 juvaretur, eam dupli vallo fossaque
 circumdare, ac exercitum suum inter-
 medium collocare constituit. Nihilomi-
 nus Latrecus urbi appropinquabat, ho-
 stium castra exploraturus. Verum ubi
 propugnacula valide munita cernebat,
 eaque vi superare desperabat, sese fuga
 proripere decrevit: Cum autem de fu-
 gæ suæ ratione meditabundus ibi hære-
 ret, Columna illum conspiciens tormentum,
 quod colubrinum vocant, aggeri
 impositum explodi jussit, cuius globo
 Marcus Antonius Columna Prospere Ne-
 pos, ac Gallico levioris armaturæ Equi-
 tatiui præfectus, necnon Camillus Tri-
 vultius Spurius ejusdem nominis Ma-
 rescalli filius trajecti occubuerunt.

e M

Prius